

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Tasiilami suliffissaaleqineq 11% tikillugu suliffissaaleqineq¹ Naalakkersuisuniit qanoq ilillugu appartinniarneqarpa?
2. Nallukattat ilaasa aningaasarsiorfittut isigiinaligaat Naalakkersuisuniit qanoq iliuseqarfiginiarneqarpa?
3. Suut suliffissat nutaat ujartorneqarniarpat?
4. Inuusuttuaqqat, inuusutullu sunngiffimminni aserorterisarneri takussaaqqilerput, qanoq ilillugu tamanna ingalatsissimaniarneqarniarpa naalakkersuisuniit?
5. Sammisassanik allanik ujaasisoqarniarpa?

(Inatsisartunut ilaasortaq Gerth Mikaelson, Naleraq)

Tunngavilersuutit:

Tasiilami suliffissaaleqineq nunatsinni annertunerpaavoq, tamanna inuiaqatigiinnut akisuvoq, kiisalu nunatta kangiani Tasiilami eqqaanilu nallukattarajuttuuneq aningaasarsiorfittut atorneqarpoq inunnit arlalinnit, suliffissaaleqinerup kingunerisaanik.

Inuusuttuaqqat ima angajoqqaavi nallukattarajuttuuneq peqqutaalluni, kiisalu imerajuttunngorsimaneq peqqutaalluni sumiginnaasarnert annertusingaarmata aserorterineq annertusigaluttuinnarpoq ullutsinni.

Tasiilami sammisassaaleqineq inuusuttuaqqat inuusutullu akornanni annertooujussuuvuq. Taamaammat pisariaqarlunnarpoq sammisassanik allanik ujaasinissaq. Piitsut amerlangaarmata umiatsiaqaratik, snesootereqaratik, allanilluunniit pisataqaratik inuusut meerartai ilaasa tamakkununga saannissartik saatittoortarpaat ajorluartumik.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.

¹ <https://knr.gl/kl/nutaarsiassat/suliffissaaleqisut-ikilerujussuuartut-ajornartorsiutilli-takkussuutingajalersut>